



Broj: 11-19-11-2-1957-11/26

Datum: 22.09.2026.godine

Na osnovu člana 43. Zakona o unutrašnjim poslovima Federacije BiH („Službene novine FBiH“, broj 81/14), čl. 26. i 70. Zakona o javnim nabavkama („Službeni glasnik BiH“, broj 39/14, 59/22 i 50/24), na prijedlog Komisije za provođenje pregovaračkih i ograničenih postupaka nabavki za 2026. godinu, direktor Federalne uprave policije, donosi:

ODLUKU
O IZBORU NAJPOVOLJNIJEG PONUĐAČA ZA NABAVKU I ISPORUKU MUNICIJE -
LOT 11

I

Ovom Odlukom vrši se izbor najpovoljnijeg ponuđača u postupku javne nabavke i isporuke municije - LOT 11- Manevarska municija i to: **Danial S” d.o.o. Tešanj** sa ukupnom ponuđenom cijenom od **1.998,00 KM bez PDV-a, odnosno 2.337,66 KM sa PDV-om.**

II

Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. Zakona o javnim nabavkama („Službeni glasnik BiH“, broj: 39/14, 59/22 i 50/24) i člana 9. stav (2) i (3) Pravilnika o postupku dodjele ugovora u oblasti odbrane i sigurnosti („Službeni glasnik BiH“, broj: 60/15) u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslati. Dokazi koji se zahtijevaju moraju biti originali ili ovjerene kopije.

III

Ugovorni organ će po isteku roka za izjavljivanje žalbe, odnosno nakon okončanja eventualnog žalbenog postupka, sa izabranim ponuđačem zaključiti ugovor kojim će regulisati međusobna prava i obaveze vezane za predmetnu nabavku u skladu sa odredbama Zakona o javnim nabavkama.

IV

Ova odluka stupa na snagu danom donošenja i dostavlja se svim kvalifikovanim ponuđačima koji su učestvovali u postupku javne nabavke.

V

Ova Odluka objavit će se na web stranici Federalne uprave policije www.fup.gov.ba, u skladu sa članom 70. stav (6) Zakona o javnim nabavkama

VI

Za izvršenje Odluke zadužuje se Sektor za finansije i javne nabavke.

Obrazloženje

Na osnovu Odluke broj: 11-19-11-2-1957/26 od 05.05.2026. godine i Obavještenja o nabavci broj: 1412-2-1-103-3-125 od 08.05.2026. godine objavljenog u Službenom glasniku BiH" br. 34/26, dana 15.05.2026. godine, Komisija ugovornog organa, imenovana Rješenjem, broj: 11-11/4-30-2-430, od 23.03.2026. godine i rješenjem broj 11-11/4-30-2-430-1/26 od 30.07.2026.godine (u daljem tekstu: **Komisija**), provela je ograničeni postupak javne nabavke i isporuka municije (LOT1, LOT2, LOT3, LOT4, LOT5, LOT6, LOT6, LOT7, LOT8, LOT9, LOT10, LOT11, LOT12, LOT13)

Dana 21.07.2026. godine na portalu javnih nabavki objavljen je poziv za dostavljanje ponuda (II faza).

Komisija je u provedenom postupku konstatovala da su tendersku dokumentaciju za II fazu postupka nabavke preuzeli kvalifikovani ponuđači:

- Danial S" d.o.o. Tešanj
- KM Trade d.o.o. Visoko
- Patrio d.o.o. Sarajevo

Prema Zapisniku sa otvaranja ponuda od 25.08.2026. godine, za aktivno učešće u postupku javne nabavke za LOT 11- Manevarska municija dostavljene su ponude ponuđača:

- Danial S" d.o.o. Tešanj;
- KM Trade d.o.o. Visoko;

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 11-19-11-2-1957-1/26 od 14.09.2026. godine, kojim je utvrdila:

da ponude ponuđača KM Trade d.o.o. Visoko br.12/08/2026-11 od 12.08.2026. godine sa ukupnom cijenom ponude u iznosu od 2.000,00 KM bez PDV-a, odnosno 2.340,00 KM sa PDV-om i Danial S d.o.o. Tešanj br. IP/545/26 od 18.08.2026. godine sa ukupnom cijenom ponude u iznosu od 2.000,00 KM bez PDV-a, odnosno 2.340,00 KM sa PDV-om sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove. Kako su u predmetnom postupku javne nabavke za LOT 11 zaprimljene dvije prihvatljive ponude, stekli su se uslovi za provođenje e-aukcije u skladu sa tenderskom dokumentacijom i Pravilnikom o uslovima i načinu korištenja e-Aukcije („Službeni glasnik BiH", broj 80/23).

S obzirom na navedeno Komisija je aktom br.11-19-11-2-1957/26 od 15.09.2026. godine zatražila od Sektora za finansije i javne nabavke organizovanje i provođenja e-aukcije za LOT 11. Na osnovu akta Sektora za finansije i javne nabavke broj: 11-19-11-2-1957/26 od 20.09.2026. godine, Komisiji su dostavljeni izvještaji o toku i završetku e-aukcije, te je Komisija izvršila uvid u konačnu rang listu ponuđača koji su učestvovali u e-aukciji i konstatovala sljedeće rezultate za LOT 11- Manevarska municija:

R.br	Naziv ponuđača	Konačna cijena u KM bez PDV-a	Rang
1.	DANIAL'S d.o.o.	1.998,00	1
2.	KM TRADE d.o.o.	2.000,00	2

Obzirom da ponuda je ponuđača Danial S" d.o.o. Tešanj sa ukupnom ponuđenom cijenom nakon provedene E-aukcije od 1.998,00 KM bez PDV-a, odnosno 2.337,66 ovaj ponuđač ispunjava sve formalno-pravne, tehničke i ekonomske uslove, ugovorni organ prihvata preporuku Komisije datu Zapisnikom Komisije, broj: 11-19-11-2-1957-2/26 od 22.09.2026. godine i odabire ponuđača Danial S" d.o.o. Tešanj, kao najpovoljnijeg u postupku javne nabavke nabavka i isporuka municije - LOT 11- Manevarska municija.

Cijeneći navedeno, donesena je Odluka kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama („Službeni glasnik BiH" broj: 39/14, 59/22 i 50/24).

DIREKTOR
GLAVNI GENERALNI INSPEKTOR POLICIJE

Igor Marić



Dostaviti:

- Učesnicima u postupku (putem Komisije)
- Sektoru za finansije i javne nabavke
- Kabinetu direktora uprave policije
- Komisiji
- a/a